

sto anno passato più volte di Pregadi: hora è rimaso. Sichè di 9 voxe passò tutte, excepto dil Consejo di X, che 12 balote manchava a passar sier Marco Gabriel fu consier, pur per danari. Sichè le cosse di quelli hanno prestado si va a la zornata destrando, come vol la raxon. Et aziò tutto se intendi, qui soto noterò il scurtinio dil Luogotenente in Cypri, e li nominati a Gran Consejo.

Fu prima posto la parte per i Consieri di farlo per scurtinio: 1240, 130, 4.

169 *Scurtinio di Luogotenente in Cypri.*

Sier Zuan Dolfìn, fo consier in Cypri, qu. sier Daniel.

Sier Alvise d'Armer, fo cao dil Consejo di X, qu. sier Simon.

Sier Polo Loredan, qu. sier Francesco, qu. sier Alvise procurator.

Sier Vettor Foscarini, fo consier, qu. sier Alvise dotor, procurator.

Sier Polo Nani, è di Pregadi, qu. sier Giacomo.

Sier Orsato Justinian, fo cao dil Consejo di X, qu. sier Polo.

Sier Vettor Michiel, fo capitano e provedador a Bergamo, qu. sier Michiel.

Sier Anzolo Malipiero, è di Pregadi, qu. sier Tomaxo.

Sier Nicolò Dolfìn, savio a Terra ferma, qu. sier Marco.

Sier Zuan di Prioli, fo provedador al sal, qu. sier Marco, qu. sier Zuane.

Sier Zuan Antonio Dandolo, è di Pregadi, qu. sier Francesco.

Sier Matio Barbaro, fo capitano a Famagosta, qu. sier Antonio.

Sier Zacaria Loredan, fo podestà e provedador a Crema, qu. sier Luca, qu. sier Giacomo procurator.

Sier Donado da Leze, fo podestà e capitano a Ruigo, qu. sier Priamo.

Sier Giacomo Michiel, fo di Pregadi, qu. sier Hironimo da S. Barnaba.

Sier Piero Zen, fo retor e provedador a Cataro, qu. sier Catarin el cavalier.

Sier Zuan Vituri, fo provedador zeneral in la Patria di Friul, qu. sier Daniel.

Sier Francesco Barbarigo, fo provedador al sal, qu. sier Francesco procurator.

† Sier Lunardo Emo, fo consier, qu. sier Zuan el cavalier.

*In Gran Consejo.*

† Sier Lunardo Emo, fo consier, qu. sier Zuane el cavalier.

Sier Donà da Leze, fo podestà e capitano a Ruigo, qu. sier Priamo.

Sier Alvise d'Armer, fo cao dil Consejo di X, qu. sier Simon.

Non. Sier Domenego Capelo, fo cao dil Consejo di X, qu. sier Carlo, per la caxada.

Sier Alvise Gradenigo, el cao dil Consejo di X, qu. sier Domenego el cavalier.

*A dì 8.* La matina fo *letere di Franza*, di sier Antonio Justinian el dotor, orator nostro, di 28, da Bles. Come il Re era partito per andar in Ambosa da la Raina, le era venute le doie; e altri avisi, *ut in litteris*. E lui Orator *etiam* anderà in Ambosa.

Da poi disnar, fo Colegio di Savii.

*Di Roma*, di l'Orator nostro, di 3 di questo.

Come in concistorio il Papa havia pronunciato 4 Legati: il Farnese a l'Imperator, in Franza el Bibiena, in Spagna frate Egidio zeneral di Heremitani, et in Anglia el Campezo, tutti 4 cardinali, a li qual non li darà auctorità di Legati di *latere* per non tuor l'utilità di la corte. *Item*, havia fato predicar *publice* per Roma la cruciata contra il Tureo, e scritto brieve a li potentati di tal mission di Legati. In Hongaria non achade per aver la legazion il cardinal Ystrigonia. *Item*, erano zonte *letere* di Spagna: come il re Catholico era contento dar al duca Lorenzo, o la fia dil Gran capitano over una neza dil duca di Clevers; ma erano stà tarde tal *letere*, perchè zà in Franza fo concluso le noze. *Item*, come domino Hironimo Vieh, stato più anni in corte orator per il re Catholico, avia auto licentia e si partiva. Vien a Loreto e forsi a Venexia a veder la terra, e poi per terra passar in Spagna; resta il reverendo don Pietro d'Urea per orator. Il qual Vieh porta gran nome, et ha vadagnato ducati 100 milia, perchè tutti li beneficii di Spagna li capitava ne le man. *Item*, come l'era partito alcuni cortesani intimi dil Papa, *etiam* loro per andar a Loreto, poi vorano venir a veder Venecia, alozerano in caxa di sier Zorzi Corner procurator, cussi volendo suo fiol Cardinal: i qual sono, domino Serapicho di nation albanese primo camerier dil Papa, domino Hironimo di Albizi fiorentino parente dil Papa, uno fradello dil conte Guido Rangon. Uno da Colalto ha auto l'abazia di